

Factum,

Du Procès d'entre frere Michel Maupeou Religieux, tenant le lieu & indult de monsieur Malon Conseillier en Parlement, Prieur du Prieuré de Montiers demandeur, & subordonnement ledict Maupeou en son nom pourueu dudit Prieuré par la confidence & incapacité de Ambroise Goffre.

Contre messieurs le Grand & Ribier Conseilliers en Parlement, & leurs nommez, ledict Goffre & Mussart deffendeurs.


POur desduire le fait du procès, dit ledit Maupeou que le sieur Ribier a insinué ses lettres de nomination sur l'Abbaye S. Lomer de Blois en l'an 1591.

Le sieur le Grand a nommé en Ianuier 1603. vn seculier sur ladite Abbaye S. Lomer, & insinué ses lettres de nomination le 17. dudit mois audit an, & le 24. Ianuier 1603. il a nommé frere Claude Mothe Religieux sur ladite Abbaye.

Et le sieur Malon a nommé vn Religieux sur ladite Abbaye, & insinué ses lettres de nomination le 18. Ianuier audit an 1603.

Pretendent lesdits trois indulteres que le Prieuré de Montiers despendant de ladite Abbaye S. Lomer a vacqué par le decés de Henry d'Angennes, fils du sieur Maintenon, dernier titulaire & paisible possesseur dudit Prieuré: comme appert par les baulx à ferme & les comptes faits par ledit feu sieur d'Augennes avec les fermiers du reuenu dudit Prieuré & quittâces par luy baillees, ensemble par les iugemens & arrests obtenus par ledit sieur d'Augennes en qualité de Prieur dudit Montiers produits en la production dudit Maupeou. En sorte que la possession dudit feu sieur d'Augennes sert de tiltre ausdits indultaires; lesquels ayant droit audit Prieuré *per obitum* dudit sieur d'Augennes ne sont tenus de monstrier son tiltre, lequel d'ailleurs ledit Goffre, qui a esté precepteur dudit feu sieur d'Augennes, tiët caché, c'est la clementine premiere *ut lite cont.* au cōtraire ledit Goffre ne scauroit monstrier aucun acte de Prieur par luy fait depuis son tiltre imaginaire. Contre lequel en tout cas & subordonnement ledit Maupeou a obtenu son reuolut, attendu que le sieur d'Augennes a receu le reuenu dudit Prieuré, & que Goffre en a esté titulaire, *titullo tenus*, qui est vne pure confidence.

Contre monsieur Ribier, dit ledit Maupeou, que monsieur Riant President au Parlement fëstant nommé sur l'Abbaye S. Lomer posterieurement audit sieur Ribier, que neantmoins ledit sieur President Riant a gagné par arrest à cause de son indult le Prieuré de Meniers



despendant de ladicte Abbaye S. Lomer, consequemment que la nomination du sieur Ribier est esvanouye le collateur en estant deschargé, & sic, que sa nominatiō & de laquelle il se veut preualoir est inutile.

Contre monsieur le Grand, dit ledit Maupeou, que l'exploit dudit sieur le Grand du 17. Ianu. 1603. est nul, d'autant qu'il est fait *nemine requierente*, à trois Religieux non capitulairement assemblez ny interpellez de ce faire: & toutesfois le siege abatial vacquant auquel cas les Religieux ne font rien en leur particulier, mais seulement lors qu'ils sont capitulairement assemblez.

Dauantage ledit pretendu exploit a esté fait par vn Sergent sans records qui ayent signé ledit exploit, ou qui ayent esté interpellez à ce faire sans insinuation, soit aux registres de l'Abbaye ou de l'Euesché où elle resortist. Dauantage pour mōstrer que l'exploit est fait à plaisir, c'est que la procuration du nommé dudit sieur le Grand est passée à Paris le 15. Ianu. 1603. apres midy, pour insinuer les lettres de nomination dudit sieur le Grand: Et neantmoins elles se trouuēt signifiees le 17. dudit mois à Blois où il y a cinquante deux lieues, sans que toutesfois lon ait parlé de la signification des lettres de nomination de monsieur le Grād lors que le lendemain on signifia ausdits Religieux S. Lomer les lettres de nomination dudit sieur Malon. A laquelle signification l'vn des Religieux de ladicte Abbaye fist responce que mōsieur Ribier estoit premier nōmé pour colorer ledit exploit du 17. Ian.

Dauantage le sieur le Grand par ledit exploit du 17. Ianu. nōme vn seculier auquel il pretend auoir subrogé vn Religieux le 24. Ian. ensuiuant 1603. mais ceste premiere nominatiō est inutile: car il n'y a point de benefices seculiers dependans de ladicte Abbaye sainct Lomer, hors les Cures dont lesdits Religieux sont Curez primitifs, lesquelles Cures ne vallent deux cens liures toutes charges faites, consequemment hors l'indult veu que ledit sieur le Grand a fait signifier ausdits Religieux S. Lomer qu'il n'accepteroit aucun benefice s'il n'excedoit ladicte somme de deux cens liures toutes charges faites: & n'y a que des Cures de petite valeur en l'ordre S. Benoit & non en l'ordre S. August. où il y a des Cures Prieurez vallans deux mil liures.

Item la prompte mutation qu'a fait le sieur le Grand le 24. Ianuier 1603. de son Nommé seculier à vn Religieux, ce qu'il appelle subrogation, monstre clairement qu'il n'y auoit point de benefices seculliers, & quand il y en auroit, attendu que le Prieuré de Montiers qui a vacqué est regulier, la Nomination du seculier faicte par ledit sieur le Grand, est inutile: Car il faut considerer la qualité du Nommé lors de la signification de ses lettres de Nomination, & veoir s'il estoit capable, lors de sa Nomination, du benefice qui a vacqué & ne faut considerer la capacité du nommé lors que le benefice a vacqué; *Cap. sic* tempore de rescriptis in. sexto par la decision duquel chapitre, celuy qui

*in tractatu
huius articulo
or*

estoit seculier lors de sa Nomination, si par apres il se faisoit Religieux & qu'il escheust apres la profession vn benefice regulier, neantmoins il en seroit incapable, à cause qu'il n'estoit pas capable dudit benefice lors de sa Nomination: Laquelle incapacité est bien plus remarquable au Religieux subrogé à celuy qui estoit seculier lors de sa Nomination, & qui est encores de present seculier, la raison est, *que beneficium dicitur iam semel affectum ipsa insinuatione mandati ante vocationem beneficij capit. en cui de preb. in sex.* Tellement que lon doit iuger la capacité du nommé par la qualité du benefice qui a vacqué, Maxime aux Prieurés conuentuels qui extant dignitate clemen: ne in agro.

En tout cas la premiere nomination du seculier estant inutile attendu la qualité du benefice escheu, qui est regulier, par la disposition du droit ladite premiere nomination ne peut subsister & auoir lieu que du iour de la nomination faicte par ledit sieur le Grand, de frere Claude Mothe Religieux. *In omnibus in que vitiosa sum aut non valent, cōme est la nomination du seculier, si postea confirmantur valent ex tunc l. i. §. filius faut de leg. i. l. de. P. Ce don. in. vi. in verbis specialis, donationum confirmatio vim habeat ex eo tempore ex quo donationes sunt confirmate.*

Mais quelle aparence y a il d'appeller la nomination dudit Claude Mothe vne subrogation? Car il faudroit que ledit Mothe, Religieux, eust vne mesme qualité que ledit premier nommé qui estoit & est de present seculier: Or les qualitez estant differentes, l'un ne peut estre dit subrogé à l'autre: & par ainsi l'on ne peut dire que Mothe, qui est Religieux, soit subrogé au seculier, ains ledit Mothe est de nouveau nommé: Or ledit Maupeou est nommé auant ledit Mothe, car la Nomination dudit Maupeou est du 19. Ianuier 1603 & la Nomination dudit Mothe est du 24. dudit mois ensuiuant.

De dire que le premier nommé a trās mis le droit de sa nomination audit Mothe, cela ne peut estre, à cause des qualitez differātes desdits nōmez, ou si par fictiō cela pouuoit estre, le seculier auroit trās mis son droit de nominatiō, audit Mothe religieux, pour les benefices seculiers seulement: Mais le seculier n'est nō plus capable de trās porter son droit sur vn benefice regulier, que ledit Mothe n'est capable d'aucun benefice seculier, *regularia regularibus, secularia secularibus*: & seroit vne chose prodigieuse emprunter la datte du premier nommé qui est seculier, & ce faisant inutilement nommé, pour communiquer ceste datte à vn religieux *nam. que ab initio non valent tracta temporis non conualescunt*: Maxime au fait dont est question, attendu la Nomination dudit Maupeou qui est precedent la pretenduë subrogation dudit Mothe: Auquel cas ladite pretenduë subrogation ou plustost nomination d'iceluy Mothe, si ainsi se doit appeller, ne se peut faire au preiudice du droit dudit Maupeou, & ne peut valider par vn effet retroactif au preiudice d'un tiers la nomination vicieuse du premier nommé qui estoit secu-

lier, *lege bonorum ff. rem. ratem haberi*, non que ledit Maupeou vueille dire que ceste pretenduë subrogation ne se peut faire en tout temps, au regard du Collateur: mais non pas au regard de l'indultaire, duquel ledit Maupeou tient le lieu & place, & *cui medio tempore ius est acquisum*, auant la subrogation dudit Mothe, le droit duquel est d'autant plus foible, qu'il ne peut estre dit subrogé audit seculier, *quia quando actio subrogata dicitur intelligitur subrogata secundum eius naturam in cuius locum subrogatur, & non ad alia extenditur*: Et ce faisant si ledit Mothe se pouuoit dire subrogé au seculier, il seroit seulement subrogé ausdits benefices seulement.

De dire que le sieur le Grand a changé de nommé & non de nomination, est vray pour les benefices seculiers: mais en vn mot, le sieur le Grand n'a point de droit aux benefices reguliers dependans de ladite Abbaye saint Lomer que du iour qu'il a Nommé personne capable pour les tenir. Or le premier nommé du sieur le Grand en estoit incapable, consequemment le droit que ledit sieur le Grand peut pretendre sur les benefices cōuentuels de ladite Abbaye S. Lomer, n'a lieu que du iour de la Nomination dudit Mothe Religieux, laquelle n'a sceu estre faite, *in preiudicium tertij nec variare licuit optione semel facta* des benefices seulement.

Partant le premier acte inutile de l'insinuation des lettres de nomination du seculier n'empesche pas la seconde vtile nomination faite par ledit sieur Malon *Capitulo cum dilecta cōfirmatione vtili vel inutili*. Car estās les benefices de l'Abbaye de S. Lomer cōuentuels, il estoit raisonnable que le Collateur fust Greué: La nomination du seculier ne greuoit pas l'ordonnance, sinon pour le regard des Cures qui sont hors l'indult pour leur peu de valeur, consequemment ledit sieur Malon a eu iuste occasion de se nommer apres ledit seculier.

Contre Mussart dit ledit Maupeou qu'il est le premier deuolutaire, non comme nommé du sieur Malon: mais suriure, au cas que Goffre fust trouué titulaire du benefice & n'est inconuenient d'assembler plusieurs droits differās par mesme prouision, comme il se fait d'ordinaire aux prouisions, *Per resinationem* où ces clauses *per obitum, & alias quouis modo* y sont exprimées.

En cela la persōne dudit Maupeou est cōsiderable qui de son estre & en sa faueur à eu la chose de deuolut, & ne faut plus considerer ledit Maupeou, comme nommé du sieur Malon: n'estant ledit Mussart qu'un homme aposté de monsieur de Maintenon, ayant le Goffre, & Mussart pour ses confidentaires.

Partant conclud ledit Maupeou, comme nommé dudit sieur Malon, & subordonné, comme pourueu en son nom dudit benefice, par la confidence & incapacité dudit Goffre à estre maintenu & gardé audit Prieuré, & en cas de debat à la recreance.

